

全上古三代秦漢三國六朝文

全後漢文卷五十六

烏程嚴可均校輯

葛龔

龔字元甫梁國寧陵人永初中舉孝廉為太官丞拜蕩陰令辟太尉府病不就州舉茂才為臨汾令入拜黃門郎有集七卷

遂初賦

承豢龍之洪族賦高陽之休基文選陶徵士詠注

攷天文于蘭閣覽羣言于石渠御覽一百八十四引此題作反遂初賦

與梁相張府君牋

悠悠夢想願飛無翼文選魏文帝雜詩注

曹裒寢懷鉛筆行誦文書文選任昉為范雲作求立太宰碑表注

閒賜龔印衣繡囊細布皆珍重纖麗北堂書鈔一百五十六

復惠善墨下士所無摧骸骨碎肝膽不足明報初學記二十一御覽六百一並引與

梁相

龔曰毛羽之身戴丘山之施未審何與

薦黃鳳文

君垂日月之末光流萬里之恩

文選謝靈運初發石首城詩注

薦郝彥文

雪白冰折皦然曜世

文選廣絕交論注

薦戴昱

昱年六十二兄弟同居二十餘年及爲宗老所分昱將妻子逃舊

業入虔澤結茅爲室拮穫野豆拾掇蠃蚌日自賑給御覽八百四十一又九百

四十

一
讓州辟文

恩重山岳

文選陸機謝平原內史表注

與張略書

略字季景

夜從劉伯宣舍西垂過龔家無飯噉蜩蝦伯宣九百四十三

頑闇沈泥文選顏延之和謝靈運詩注

荅寶章書

見斯眾賢足已忘疾釋愁口口口口引汝南先賢傳

喪伯父還傳記

烏鳥之情誠竊傷痛文選李密陳情表注

劉珍

珍字秋孫一名寶南陽蔡陽人永初中為謁者僕射永寧初遷

侍中越騎校尉延光末拜宗正永建初轉衛尉有東觀漢記若

干卷集二卷

上言鄧太后宜獻廟

竊見永平初虎賁中郎將梁松言皇太后宜入廟與陛下交獻已

彰至教之心孝明皇帝務遵經典使公卿博士議時太傅鄧禹奏

宜如松言光烈皇后于是入廟惟皇太后聖德通靈與神合契宜入宗廟如光烈皇后故事率禮復古垂示萬代

袁宏後漢紀十六
永初五年

東觀漢紀光武敘

帝既有仁聖之明氣勢形體天然之姿固非人之敵翕然龍舉雲興淋雨而濟天下蕩蕩人無能名焉

御覽九十

章帝敘

孝乎惟孝友于兄弟聖之至要也乾乾夕惕寅畏皇天帝王之上行也明德慎法湯武所務也密靜天下容于小大高宗之極致也肅宗兼茲四德已繼祖考臣下百僚力誦聖德紀述明詔不能辨章豈敢空言增廣已累日月之光

御覽九十一

和帝敘

穆宗之嗣世正身履道已奉大業賓禮耆艾動式舊典宮無嬪嬙鄭衛之讌固無槃樂遊畋之豫躬履元德虛靜自損是已屢獲豐

年遠近承風云爾

御覽九十一 案此敘官輯東觀記未載

殤帝敘

孝殤襁褓承統寢疾不豫天命早崩國祚中絕社稷無主天下放然政賴皇后孔子稱有婦人焉信哉

御覽九十一

虞詡

詡字升卿小字定安

見水經陰溝水注

陳國武平人永初中辟太尉李

脩府拜郎中出爲朝歌長遷懷令拜武都太守坐法免永建初爲司隸校尉日劾奏宦官繫獄尋拜議郎遷尙書僕射永和初進尙書令

上書自訟

法禁者俗之堤防刑罰者人之御轡今州曰任郡郡曰任縣更相委遠百姓怨窮臣苟容爲賢盡節爲愚臣所發舉臧罪非一二府恐爲臣所奏遂加誣罪臣將從史魚死卽日尸諫耳

後漢虞詡傳

請復三郡疏

臣聞子孫曰奉祖爲孝君上曰安民爲明此高宗周宣所曰上配
湯武也禹貢雍州之域厥田惟上上且沃野千里穀稼殷積又有
龜茲鹽池曰爲民利水草豐美土宜產牧牛馬銜尾羣羊塞道北
阻山河乘阨據險因渠曰溉水春河漕用功省少而軍糧饒足故
孝武皇帝及光武築朔方開西河置上郡皆爲此也而遭元元無
妄之災祗羌內潰郡縣兵荒二十餘年夫棄沃壤之饒損自然之
財不可謂利離河山之阻守無險之處難曰爲固今三郡未復園
陵單外而公卿選懦容頭過身張解設難但計所費不圖其安宜
開聖德考行所長後漢西羌傳通典一百八十九

薦左雄疏

臣見方今公卿曰下類多拱默曰樹恩爲賢盡節爲愚至相戒曰
白璧不可爲容容多後福伏見議郎左雄數上封事至引陛下身

遭危厄。目爲警戒。實有王臣蹇蹇之節。周公諡成王之風。宜擢在
喉舌之官。必有匡弼之益。後漢左雄傳又御覽
六百三十一引續漢書

上疏諫輸義錢

元年日來。貧百姓。章言。長吏受取百萬。自上者。劾劾不絕。謫問吏
人至數千萬。而三公刺史少所舉奏。尋永平章和中。州郡日走卒
錢給貸貧人。司空劾案州及郡縣。皆坐免黜。今宜遵前典。蠲除權
制。後漢虞
詡傳

上言臺郎宜均選

臺郎顯職。仕之通階。今或一郡七八。或一州無人。宜令均平。以厭
天下之望。後漢虞
詡傳

自繫廷尉奏言

昔孝安皇帝。任用樊豐。遂交亂嫡統。幾亡社稷。今者張防復弄威
柄。國家之禍將重至矣。臣不忍與防同朝。謹自繫。目聞。無令臣襲

楊震之跡

後漢虞謝傳

奏諫增蠶夷租稅

自古聖王不臣異俗非德不能及威不能加知其獸心貪婪難率
曰禮是故羈縻而綏撫之附則受而不逆叛則棄而不追先帝舊
典貢稅多少所由來久矣今猥增之必有怨叛袁宏紀此下有叛
眾計其所得不償所費必有後悔後漢南蠻傳又見袁宏後漢紀十八
駁尚書勅監陽主簿事

主簿所訟乃君父之怨百上不達是有司之過愚憊之人不足多

誅

後漢虞謝傳

朱寵

寵字仲威京兆杜陵人辟大將軍鄧騭府遷潁川太守延光中
爲大司農免尋爲大鴻臚永建初代劉熹爲太尉錄尚書事封
安鄉侯

上疏追訟鄧騭

伏惟和熹皇后聖善之德爲漢文母兄弟忠孝同心憂國宗廟有主王室是賴功成身退讓國遜位歷世外戚無與爲比當享積善履謙之祐袁宏紀作當享積善之祐宜蒙謙約之報而橫爲宮人單辭所陷利口傾險反亂國家罪無申證獄不訊鞫遂令騭等罹此酷濫一門七人並不自命屍骸流離怨魂不反逆天感人率土喪氣宜收還冢次寵樹遺孤奉承血祀呂謝亡靈後漢鄧禹附傳又見袁宏後漢紀十七有剛節

遺令

吾本寒賤諸生才非周幹橫受朝恩位過其任不能竭身報國負責深重身沒之後百僚所賻贈一無所受素棺殯斂疏布單衣無設絨冕斂畢便呂所有牛車夜載喪還鄉里勿告羣僚呂密靜爲務袁宏後漢紀十八

胡廣

廣字伯始南郡華容人元初中舉孝廉試章奏第一除郎中拜
尚書郎遷左丞陽嘉初爲尚書僕射出爲濟陰太守免復爲汝
南太守入拜大司農漢安初代劉壽爲司徒質帝崩代李固爲
太尉錄尚書事桓帝卽位封育陽安樂鄉侯病免尋代袁湯爲
司空元嘉初致仕尋召特進徵拜太常永興初代袁湯爲太尉
免延熹初復代黃瓊爲太尉坐事奪爵土免爲庶人徵拜太中
大夫太常代許栩爲司徒靈帝卽位復故封代陳蕃爲太傅錄
尚書事熹平元年卒年八十二謚曰文恭有漢官解詁三卷集
二卷

上書駁左雄察舉議

臣聞君曰兼覽博照爲德臣曰獻可替否爲忠書載稽疑謀及卿
士詩美先人詢于芻蕘國有大政必議之于前訓詁之于故老是
日慮無失策舉無過事竊見尚書令左雄議郡舉孝廉皆限年四

十日上諸生試章句。文史試牋奏。明詔既許。復令臣等得與相參。竊惟王命之重。載在篇典。當合縣于日月。固于金石。遺則百王。施之萬世。詩云。天難誣斯。不易惟王。可不慎與。蓋選舉因才。無拘定制。六奇之策。不出經學。鄭阿之政。非必章奏。甘奇顯用。年垂疆仕。終賈揚聲。亦在弱冠。漢承周秦。兼覽殷夏。祖德師經。參雜霸軌。聖主賢臣。世已致理。貢舉之制。莫或回革。今呂一臣之言。剗戾舊章。便利未明。眾心不厭。矯枉變常。政之所重。而不訪台司。不謀卿士。若事下之後。議者剝異。異之則朝失其便。同之則王言已行。臣愚。已爲可宣。下百官參其同異。然後覽擇勝否。詳探厥衷。敢曰瞽言。冒干天禁。惟陛下納焉。後漢胡廣傳。尚書令左雄議。改察舉之制。廣復舉故度上書駁之。

諫探策立后疏

竊見詔書。曰立后事大。謙不自專。欲假之籌策。決疑靈神。篇籍所記。祖宗典故。未嘗有也。恃神任筮。既不必當賢。就值其人。猶非德

選夫岐嶷形于自然，覩天必有異表。宜參良家，簡求有德。德同已年，年鈞日貌，稽之典經，斷之聖慮。政令猶汗，往而不反。詔文一下，形之四方。臣職在拾遺，憂深責重，是日焦心冒昧，陳聞後漢胡廣傳順帝欲立皇后而貴人有寵者四人莫知所建議欲授籌日神定選廣與尚書郭虔史敞上疏諫書。

建鴻德流清風

文選張協詠史詩注

王隆漢官篇解詁敘

前安帝時，越騎校尉劉千秋校書東觀，好事者樊長孫與書曰：漢家禮儀，叔孫通等所艸創，皆隨律令在理，官藏于几閣，無紀錄者，久令二代之業闇而不彰，誠宜撰次，依擬周禮，定位分職，各有條序，令人無愚智，入朝不惑。君曰：公族元老，正丁其任焉。可。曰：已。劉君甚然其言。與。邑子通人郎中張平子參議未定，而劉君遷爲宗正衛尉。平子爲尚書郎、太史令，各務其職，未暇恤也。至順帝時，平

子爲侍中典校書方作周官解說乃欲自漢次述漢事會復遷河
間相遂莫能立也述作之功獨不易矣旣感斯言顧見故新汲令
王文山小學爲漢官篇略道公卿內外之職旁及四夷博物條暢
多所發明足已知舊制儀品蓋法有成易而道有因革是日聊集
所宜爲作解詁各隨其下綴續後事令世施行庶明厥旨廣前後
憤盈之念增助來哲多聞之覽焉續漢百官志一注

百官箴敘

箴諫之興所由尙矣聖君求之于下忠臣納之于上故虞書曰子
違汝弼汝無面從退有後言墨子著書稱夏箴之辭御覽五百八十八
給事中掌侍從左右無員位次侍中常侍或名儒或國親御覽二百二十

一引胡
廣集

侍中箴

皇矣聖上神君天處勤求俊良是弼是輔匪懈于位庶工日序昔

在周文創德西鄰，最聞上帝，賴茲四臣，辛尹是訪，八虞是詢，濟濟多士，又用有勲。文公欽若，越興周道，亦惟先正，克慎左右。常伯常任，寔爲政首，降及厲王，不祇不恪，睨彼宗夷，用肆其虐。惟敗天命，寇戎竝作，圯墜宗緒，寢廟靡託。無曰我賢，不選至親，無曰我仁，安用嬖人。籍閔飾顏，穢我神武，鄧通擅鑄，不終厥後，中書竊命，石弘作禍。高安斷袂，哀用無主，侍中司中，敢告執矩。

初學記十二案古文苑曰爲崔瑗作

邊都尉箴

巍巍上聖，光被八垠，矧惟內外，罔不來賓。季末陵遲，王澤壅隔，戎狄作難，鬼方騷逸。桓桓猛將，是攘是闢，殷周是宣，用顯其績。大漢龍興，念存洽平，蕩蕩率上，來同門井，守撫其民，尉典其戎。伍才竝用，文武程功。

御覽二百四十一

陵令箴

昔在黃葉葬野衣薪口禮極哀不樹不封瓦棺望周聚夏攸謂壤
不毀虞賄不害生是謂皇極百王此經故厚不可始皇薄不可王
乃眷西顧爰短孝文陵臣司墓敢告守人

御覽二百二十九
案此條有衍誤

印衣銘

明明上皇旌曰命服紆朱懷金爲光爲飾邁種其澤撫寧四國宣
慈惠和柔嘉維則克常厥心膺茲多福登位歷壽子孫千億

初學
記二

六十

綬笥銘

休矣斯笥凡器爲式受相君子承此印綬帝命所啟用褻令德佩
日自修所日自救忠肅恭懿鮮不爲則靡悔靡吝神人致福

初學
記二

六十

徵士法高卿碑

言滿天下發成篇章行充宇宙動爲儀表四海英儒履義君子企

望來臻者不可勝紀也。翻然鳳舉，匿耀遠邈，名不可得而聞，身難可得而覩。爲堯舜所知，不飲洗耳之水，超越青雲之上，德踰巢許之右，所謂逃名而名我隨，避聲而聲我追者已。揆君分量，輕寵傲俗，乃百世之師也。其辭曰：邈玄德，膺懿資，弘聖典，研道機。彪董蒙作世師，辭皇命，確不移。亞洪崖，超由夷，垂英聲，揚景暉。藝文類聚三十七弔夷齊文

遭亡卒之昏虐，時繽紛曰蕪穢。恥降志于汗君，愒雷同于榮勢。抗浮雲之妙志，遂蟬蛻曰偕逝。徼六軍于河渚，叩王馬而慮計。雖忠情而指九，匪天命之所謂。賴尙父之戒愼，鎮左右而不害。藝文類聚三十七

援翰錄弔曰舒懷兮

文選向秀思舊賦注

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷五十六終

全後漢文卷五十七

烏程嚴可均校輯

王逸

逸字叔師南郡宜城人元初中舉上計吏除校書郎順帝時進
侍中有楚辭章句十二卷集二卷

機婦賦

舟車棟寓羸工也杵臼碓磴直巧也盤杆縷針小用也至于織機
功用大矣素樸醇一野處穴藏上自太始下訖義皇帝軒龍躍庶
業是昌俯覃聖思仰覽三光悟彼織女終日七襄爰制布帛始垂
衣裳于是取衡山之孤桐南岳之洪樟結靈根于盤石託九層于
巖窟性條暢曰端直貫雲表而剡良儀鳳晨鳴翔其上怪獸羣萃
而陸梁于是乃命匠人潛江奮驥踰五嶺越九岡斬伐剖析擬度
短長勝復迴轉刻像乾形大匡淡泊擬則川平光爲日月蓋取昭

明三軸列布上法台星兩驥齊首儼若將征方員綺錯極妙窮奇
蟲禽品獸物有其宜兔耳踰伏若安若危猛犬相守竄身匿跡高
樓雙峙下臨清池游魚銜餌灑灑其陂鹿盧竝起纖繳俱垂宛若
星圖屈伸推移一往一來匪勞匪疲于是暮春代謝朱明達時蠶
人告訖舍罷獻絲或黃或白蜜蠟凝脂纖纖靜女經之絡之爾乃
窈窕淑媛美色貞怡解鳴佩釋羅衣披華幕登神機乘輕杵攬牀
帷動搖多容俯仰生姿

藝文類聚六十五北堂書鈔一百五十八御覽八百二十五

荔支賦

大哉聖皇處乎中州東野貢落疏之文瓜南浦上黃甘之華橘

初學記二十八御覽九百七十二北燕薦朔濱之巨栗

魏文類聚八十七初學記二十八御覽九百六十四

魏土送西山之杏

藝文類聚八十七御覽九百六十八

宛中朱栳

御覽九百七十一

房陵縹李

文選潘岳閒居賦注御覽九百六十八

酒泉白柰

文選

蜀都賦注

乃觀荔支之樹其形也暖若朝雲之興森如橫天之雪湛若大廈

之容鬱如峻嶽之勢修幹紛錯綠葉臻臻文選蜀都賦注作崇崇角亢與而

靈華較大火中而朱實繁文選蜀都賦注作繁生灼灼若朝霞之映日離離

如繁星之著天皮似丹闌膚若明璫潤侔和璧奇喻五璫仰歎麗

表俯嘗嘉味口含丹液心受芳氣兼五滋而無常主不知百和之

所出卓絕類而無儔超眾果而獨貴藝文類聚八十七御覽九百七十一

宛洛少年邯鄲遊士文選曹植名都篇注表淑效曹植白馬篇注喪不及解文選潘白馬賦注

飛匡上下電往景還文選江賦注

九思

九思者王逸之所作也逸南陽人博雅多覽讀楚辭而傷愍屈原

故為之作解又目自屈原終沒之後忠臣介士遊覽學者讀離騷

九章之文莫不愴然心為悲感高其節行妙其麗雅至劉向王褒

之徒咸嘉其義作賦騁辭曰讚其志則皆列于譜錄世世相傳逸
與屈原同上共國悼傷之情與凡有異竊慕向襄之風作頌一篇
號曰九思曰裨其辭未有解說故聊敘訓誼焉辭曰

悲兮愁哀兮憂天生我兮當開時被詠譖兮虛獲尤心煩憤兮意
無聊嚴載駕兮出戲遊周八極兮歷九州求軒轅兮索重華世既
卓兮遠眇眇握佩玖兮中路躇羨咎繇兮建典謨懿風后兮受瑞
圖愍余命兮遭六極委玉質兮于泥塗遽倬違兮驅林澤步屏營
兮行丘阿車軌折兮馬虺頽惓惓立兮涕滂沱思丁文兮聖明哲
哀平差兮迷謬愚呂傳舉兮殷周興忘歸專兮郢吳虛仰長歎兮
氣餒結悵殞絕兮喏復蘇虎兕爭兮于廷中豺狼鬪兮我之隅雲
霧會兮日冥晦飄風起兮揚塵埃走鬯罔兮乍東西欲竄伏兮其
焉如念靈閨兮隕重深願竭節兮隔無由望舊邦兮路透隨憂心
悄兮志勤劬魂煢煢兮不遑寐目脈脈兮寤終朝

逢尤

令尹兮謷謷羣司兮譴譴哀哉兮淵淵上下兮同流菽藟兮蔓衍
芳藹兮挫枯朱紫兮雜亂曾莫兮別諸倚此兮巖穴永思兮窈窕
嗟懷兮眩惑用志兮不昭將喪兮玉斗遺失兮鈕樞我心兮煎熬
惟是兮用憂進惡兮九旬復顧兮彭務擬斯兮二蹤未知兮所投
謠吟兮中櫪上察兮璇璣大火兮西睨攝提兮運低雷霆兮硤礚
雹霰兮霏霏奔電兮光晃涼風兮愴悽鳥獸兮驚駭相從兮宿棲
鴛鴦兮嗶嗶狐狸兮微微哀吾兮介特獨處兮罔依螻蛄兮鳴東
蠡蠹兮號西載緣兮我裳蠋入兮我懷蟲豸兮夾余惆悵兮自悲
佇立兮忉忉心結緒兮折摧

怨上

周徘徊兮漢渚求水神兮靈女嗟此國兮無良媒女詘兮謹護鵠
雀列兮譁譁鴈鵠鳴兮聒余抱昭華兮寶璋欲銜鬻兮莫取言旋

邁兮北徂，叫我友兮配耦。日陰曠兮未光，間眇窈兮靡睹。紛載驅兮，高馳將諮詢兮。皇羲遵河皋兮，周流路變易兮。時乖瀟滄海兮，東遊沐盥浴兮。天池訪太昊兮，道要云靡貴兮。仁義志欣樂兮，反征就周文兮。邠岐秉玉英兮，結誓日欲暮兮。心悲惟天祿兮，不再背我信兮。自違踰隴堆兮，渡漠過桂車兮。合黎赴崑山兮，畢駮從邛遨兮。棲邊允玉液兮，止渴齧芝華兮。療飢居嶮廓兮，眇疇遠梁昌兮。幾迷望江漢兮，漫漭心緊縈兮。傷懷時眇眇兮，旦旦塵莫莫兮。未晞曷不暇兮，寢食吒增歎兮。如雷。

疾世

哀世兮睭睭，譏譏兮嗔嵬。眾多兮阿媚，骯穢兮成俗。貪枉兮黨比，貞良兮熒獨。鵠鴈兮枳棘，鶉鴃兮帷幄。蕭索兮青愁，橐本兮萎落。覩斯兮僞惑，心爲兮隔錯。逡巡兮圃薮，率彼兮眇陌。川谷兮淵淵，山崑兮峩峩。叢林兮嶮嶮，株榛兮岳岳。霜雪兮濯濯，冰凍兮各墨。

東西兮南北。罔所兮歸薄。庶廡兮枯樹。匍匐兮巖石。蹉跎兮寒局。
數獨處兮志不申。年齒盡兮命迫促。魁壘擠摧兮常困辱。含憂強
老兮愁不樂。鬚髮盡頓兮顚鬢白。思靈澤兮一膏沐。懷蘭英兮挹
瓊若。待天明兮立踟躕。雲蒙蒙兮電條爍。孤雌驚兮鳴嗷嗷。思怫
鬱兮肝切剝。忿悁悁兮孰訴告。

憫上

悼屈子兮遭厄。沈玉躬兮湘汨。何楚國兮難化。迄于今兮不易土。
莫志兮羔裘競佞。諛兮譏闕。指正義兮爲曲。訛玉璧兮爲石。鴟鵂
遊兮華屋。鵲鷦棲兮柴蔺。起奮迅兮奔走。違羣小兮謾詢。載青雲
兮上昇。適昭明兮所處。躡天衢兮長驅。踵九陽兮戲薄。越雲漢兮
南濟。秣余馬兮河鼓。雲霓紛兮晦翳。參辰回兮顛倒。逢流星兮問
路。顧我指兮從左。俚姬背兮直馳。御者迷兮失軌。遂踴達兮邪造。
與日月兮殊道。志闕絕兮安如。哀所求兮不耦。攀天階兮下視。見

鄢郢兮舊宇，意逍遙兮欲歸。眾穢盛兮杳杳，思哽饒兮詰訕。涕流
瀾兮如雨。

遭厄

嗟嗟兮悲夫，殽亂兮紛拏。茅絲兮同綜，冠屨兮共絢。督葛兮侍宴，
周邵兮負蓺。白龍兮見舛，靈龜兮執拘。仲尼兮困厄，鄒衍兮幽囚。
伊余兮念茲，奔遁兮隱居。將升兮高山，上有兮猴猿。欲入兮深谷，
下有兮虺蛇。左見兮鳴鵩，右睹兮呼梟。惶悸兮失氣，踊躍兮距跳。
便旋兮中原，仰天兮增歎。菅蒯兮壅葬，薶葦兮仟眠。鹿蹊兮躑躅，
獼貉兮蟬蟬。鷓鴣兮軒軒，鷦鷯兮甄甄。哀我兮寡獨，靡有兮齊倫。
意欲兮沈吟，迫日兮黃昏。玄鶴兮高飛，曾逝兮青冥。鴈鵠兮喈喈，
山鵲兮嚶嚶。鴻鸛兮振翅，歸雁兮于征。吾志兮覺悟，懷我兮聖京。
垂屣兮將起，跼蹐兮碩明。

悼亂

惟昊天兮昭靈，陽氣發兮清明。風習習兮酥煖，百草萌兮華榮。堇荼茂兮扶疏，蘅芷彫兮瑩嫺。愍貞良兮遇害，將大折兮碎糜。時混混兮懷儻，哀當世兮莫知。覽往昔兮俊彥，亦訕辱兮係累。管束縛兮桎梏，百貨易兮傳賣。遭桓繆兮識舉才德，用兮列施。且從容兮自慰，玩琴書兮遊戲。追中國兮造匱，吾欲之兮九夷。超五嶺兮嵯峨，觀浮石兮崔嵬。陟丹山兮炎野，屯余車兮黃支。就祝融兮稽疑，嘉已行兮無爲。乃回謁兮北逝，遇神媿兮宴娛。欲靜居兮自娛，心愁感兮不能放。余轡兮策駟，忽飄騰兮浮雲。蹕飛杭兮越海，從安期兮蓬萊。緣天梯兮北上，登太一兮王臺。使素女兮鼓簧，乘戈歸兮謳謠。聲噉詭兮清和，音晏衍兮要姪。咸欣欣兮酣樂，余眷眷兮獨悲。顧章華兮太息，志戀戀兮依依。

傷時

旻天兮清涼，玄氣兮高朗。北風兮潦冽，草木兮蒼唐。蚺蜺兮噍噍，

蜘蛛兮穰穰歲忽忽兮惟暮余感時兮悽愴傷俗兮泥濁蒙蔽兮
不章寶彼兮沙礫損此兮夜光椒瑛兮涅汙莖耳兮充房攝衣兮
緩帶操我兮墨陽昇車兮命僕將馳兮四荒下堂兮見蠶出門兮
觸蠶巷有兮蚰蜒邑多兮螻蛄睹斯兮嫉賊心爲兮切傷俛念兮
子胥仰憐兮比干投劍兮脫冕龍屈兮蜿蜒潛藏兮山澤匍匐兮
叢櫟窺見兮溪澗流水兮汙汙冠蓋兮欣欣鱣鮪兮延延羣行兮
上下駢羅兮列陳自恨兮無友特處兮煢煢冬夜兮陶陶雨雪兮
冥冥神光兮頽頽鬼火兮熒熒修德兮困控愁不聊兮遘生憂紆
兮鬱鬱惡所兮寫情

哀歲

陟玉巒兮逍遙覽高岡兮嶢嶢桂樹列兮紛敷吐紫華兮布條實
孔鸞兮所居今其集兮惟鴉烏鵲驚兮啞啞余顧瞻兮招招彼日
月兮闇昧障覆天兮蔽氛伊我后兮不聰焉陳誠兮効忠據羽翮

兮超俗遊陶遨兮養神乘六蛟兮蜿蜒遂馳騁兮陞雲揚慧光兮
爲旗秉電策兮爲鞭朝晨發兮鄢郢食時至今增泉繞曲阿兮北
次造我車兮南端謁玄黃兮納贊崇忠貞兮彌堅歷九宮兮徧觀
睹祕藏兮寶珍就傳說兮騎龍與織女兮合婚舉天畢兮掩邪穀
天弧兮舛姦墮真人兮翱翔食元氣兮長存望太微兮穆穆睨三
階兮炳分相輔政兮成化建烈業兮垂勳目瞥瞥兮西沒道遐迥
兮阻歎志穉穉兮未通悵敝罔兮自憐

守志

亂曰天庭明兮雲霓藏三光明兮鏡萬方斥蜥蜴兮進龜龍策謀
從兮翼機衡配稷契兮恢唐功嗟英俊兮未爲雙

楚辭章句敘

敘曰昔者孔子叡聖明詔天生不羣定經術刪詩書正禮樂制作
春秋目爲後王法門人三千罔不昭達臨終之日則大義乖而微

言絕其後周室衰微戰國並爭道德陵遲請詐萌生于是楊墨鄒
孟孫韓之徒各已所知著造傳記或已述古或已明世而屈原履
忠被譴憂悲愁思獨依詩人之義而作離騷上已諷諫下已自慰
遭時閭亂不見省納不勝憤懣遂復作九歌已下凡二十五篇楚
人高其行義瑋其文采已相教傳至于孝武帝恢廓道訓使淮南
王安作離騷經章句則大義粲然後世雄俊莫不瞻慕舒肆妙慮
續述其詞逮至劉向典校經書分爲十六卷孝章卽位深弘道藝
而班固賈逵復已所見改易前疑各作離騷經章句其餘十五卷
闕而不說又已壯爲狀義多乖異事不要括今臣復已所識所知
稽之舊章合之經傳作十六卷章句雖未能究其微妙然大指之
趣略可見矣且人臣之義已忠正爲高已伏節爲賢故有危言已
存國殺身已成仁是已伍子胥不恨于浮江比干不悔于剖心然
後忠立而行成榮顯而名著若夫懷道已迷國詳恩而不言顯則

不能扶危則不能安。婉婉曰順上。逡巡曰避患。雖保黃荷終壽百年。蓋志士之所恥。愚夫之所賤也。今若屈原。膺忠貞之質。體清潔之性。直若砥矢。言若丹青。進不隱其謀。退不顧其命。此誠絕世之行。俊彥之英也。而班固謂之露才揚己。競于羣小之中。怨恨懷王。譏刺椒蘭。苟欲求進。強非其人。不見容納。忿恚自沈。是虧其高明。而損其清潔者也。昔伯夷叔齊讓國守分。不食周粟。遂餓而死。豈可復謂有求于世而怨望哉。且詩人怨主刺上。曰嗚呼小子。未知臧否。匪面命之言。提其耳。風諫之語。于斯爲切。然仲尼論之曰。爲大雅。引此比彼。屈原之詞。優游婉順。蓋曰其君不智之故。欲提攜其耳乎。而論者曰。爲露才揚己。怨刺其上。強非其人。殆失厥中矣。夫離騷之文。依託五經。曰立義焉。帝高陽之苗裔。則厥初生民時。惟姜嫄也。紉秋蘭曰爲佩。則將翺將翔。佩玉瓊琚也。夕攬洲之宿莽。則易潛龍勿用也。騶玉虬而乘鸞。則時乘六龍曰御天也。就重

華而敵詞則尚書咎繇之謀謨也登崑崙而涉流沙則禹貢之敷土也故智彌盛者其言博才益多者其識遠屈原之詞誠博遠矣自終沒已來名儒博達之士著造詞賦莫不擬則其儀表祖式其模範取其要妙竊其華藻所謂金相玉質百世無匹名垂罔極永不刊滅者矣

離騷經

離騷經者屈原之所作也屈原與楚同姓仕于懷王爲三閭大夫三閭之職掌王族三姓曰昭屈景屈原序其譜屬率其賢良曰厲國士入則與王圖議政事決定嫌疑出則監察羣下應對諸侯謀行職脩王甚珍之同列大夫上官靳尚妬害其能共譖毀之王乃疏屈原屈原執履忠貞而被讒哀憂心煩亂不知所愬乃作離騷經離別也騷愁也經徑也言已放逐離別忠心愁思獨依道徑已風諫君也故上述唐虞三后之制下序桀紂羿澆之敗冀君覺悟

反于正道而還己也。是時秦昭王使張儀誦詐懷王，令絕齊交。又使誘楚，請與俱會武關，遂脅與俱歸，拘留不遣，卒客死于秦。其子襄王復用讒言，遷屈原于江南。屈原放在草野，復作九章，援天引聖，曰自證明，終不見省，不忍曰清白，久居濁世，遂赴汨淵，自沈而死。離騷之文，依詩取興，引類譬諭，故善鳥香草，曰配忠貞，惡禽臭物，曰比讒佞，靈脩美人，曰嬖于君，宓妃佚女，曰譬賢臣，虬龍鸞鳳，曰託君子，飄風雲霓，曰爲小人。其詞溫而雅，其義皎而朗，凡百君子，莫不慕其清高，嘉其文采，哀其不遇，而愍其志焉。

九歌

九歌者，屈原之所作也。昔楚國南郢之邑，沅湘之間，其俗信鬼而好祠，其祠必作歌樂鼓舞，曰樂諸神。屈原放逐，竄伏其域，懷憂苦毒，愁思怫鬱，出見俗人祭祀之禮，歌舞之樂，其詞鄙陋，因爲作九歌之曲，上陳事神之敬，下見己之冤結，託之曰風諫，故曰其文意

不同章句雜錯而廣異義焉。

天問

天問者屈原之所作也。何不言問天？天尊不可問，故曰天問也。屈原放逐，憂心愁悴，彷徨山澤，經歷陵陸，嗟號旻旻，仰天歎息。見楚有先王之廟，及公卿祠堂，圖畫天地山川神靈，琦瑋儵倏，及古賢聖怪物行事，周流罷倦，休息其下，仰見圖畫，因書其壁，何而問之？曰：渫憤懣，舒瀉愁思。楚人哀惜屈原，因共論述，故其文義不次序云爾。

何當作呵

敘曰：昔屈原所作，凡二十五篇，世相教傳，而莫能說。天問曰：其文義不次，又多奇怪之事。自太史公口論道之，多所不逮。至于劉向、揚雄，援引傳記，曰：解說之，亦不能詳悉。所闕者眾。曰：無問焉。既有口一作詞，乃復多連蹇其文。口口口濛濛其說，故厥義不昭。微指不皙，自游覽者靡不苦之，而不能照也。今則稽之舊章，合之

經傳曰相發明爲之符驗章浹句斷事事可曉俾後學者永無疑焉

九章

九章者屈原之所作也屈原放于江南之壑思君念國憂心罔極故復作九章章者著也明也言已所陳忠信之道甚著明也卒不見納委命自沈楚人惜而哀之世論其詞曰相傳焉

遠遊

遠遊者屈原之所作也屈原履方直之行不容于世上爲讒佞所譖毀下爲俗人所困極章皇山澤無所告訴乃深惟元一修執恬漠思欲濟世則意中憤然文采鋪發遂敘妙思託配仙人與俱遊戲周歷天地無所不到然猶懷念楚國思慕舊故忠信之篤仁義之厚也是以君子珍重其志而瑋其辭焉

卜居

卜居者，屈原之所作也。屈原體忠貞之性，而見嫉妬，念讒佞之臣，承君順非，而蒙富貴，已執忠直，而身放棄，心迷惑，不知所爲，乃往至太卜之家，稽問神明，決之蓍龜。卜已居世，何所宜行，冀聞異策，目定嫌疑，故曰卜居也。

漁父

漁父者，屈原之所作也。屈原放逐，在江湖之間，憂愁嘆吟，儀容變易，而漁父避世隱身，釣魚江濱，欣然自樂。時遇屈原，川澤之域，怪而問之，遂相應答。楚人思念屈原，因敘其辭，目相傳焉。

九辯

九辯者，楚大夫宋玉之所作也。辯者變也，謂敷道德，目變說君也。九者，陽之數，道之綱紀也。故天有九星，目正機衡，地有九州，目成萬邦。人有九竅，目通精明。屈原懷忠貞之性，而被讒邪，傷君閭蔽，國將危亡，乃援天地之數，列人形之要，而作九歌九章之頌，目諷

諫懷王明已所言與天地合度可履而行也宋玉者屈原弟子也閔惜其師忠而放逐故作九辯以述其志至于漢興劉向王褒之徒咸悲其文依而作詞故號爲楚詞亦采其九以立義焉

招魂

招魂者宋玉之所作也招者召也言曰招言曰召魂者身之精也宋玉憐哀屈原忠而斥棄愁懣山澤魂魄放佚厥命將落故作招魂欲以復其精神延其年壽外陳四方之惡內崇楚國之美言諷諫懷王冀其覺悟而還之也

大招

大招者屈原之所作也或曰景差疑不能明也屈原放流九年憂患煩亂精神越散與形離別恐命將終所行不遂故憤然大招其魂盛稱楚國之樂崇懷襄之德言比三王能任用賢公卿明察能薦舉人宜輔佐之言興至治因言諷諫達已之志也

惜誓

惜誓者、不知誰所作也、或曰賈誼、疑不能明也、惜者哀也、誓者信也、約也、言哀惜懷王與已信約而復背之也、古者君臣將共爲治、必曰信誓相約、然後言乃從而身自親也、蓋刺懷王有始而無終也。

招隱士

招隱士者、淮南小山之所作也、昔淮南王安博雅好古、招懷天下俊偉之士、自八公之徒、咸慕其德而歸其仁、各竭才智、著作篇章、分造辭賦、目類相從、故或稱小山、或稱大山、其義猶詩有小雅大雅也、小山之徒、閔傷屈原、又怪其文、昇天乘雲、役使百神、似若仙者、雖身沈沒、名德顯聞、與隱處山澤無異、故作招隱士之賦、以章其志也。

七諫

七諫者東方朔之所作也諫者正也謂陳法度曰諫正君也古者人臣三諫不從退而待放屈原與楚同姓無相去之義故加爲七諫慇懃之意忠厚之節也或曰七諫者法天子有爭臣七人也東方朔追憫屈原故作此辭曰述其志所曰昭忠信矯曲朝也

哀時命

哀時命者嚴夫子之所作也夫子名忌與司馬相如俱好辭賦客遊于梁孝王甚奇重之忌哀屈原受性忠貞不遭明君而遇暗世斐然作辭歎而述之故曰哀時命也

九懷

九懷者諫議大夫王褒之所作也懷者思也言屈原雖見放逐猶思念其君憂國傾危而不能忘也褒讀屈原之文嘉其溫雅藻采敷衍執握金玉委之污瀆遭世溷濁莫之能識追而愍之故作九懷曰裒其詞史官錄第遂列于篇

九歎

九歎者，護左都水使者光祿大夫劉向之所作也。向曰：博古敏達，典校經書，辯章舊文，追念屈原忠信之節，故作九歎。歎者，傷也。息也。言屈原放在山澤，猶傷念君歎息無已。所謂讚賢曰輔，志騁詞目，曜德者也。已上十八篇並楚辭

折武論

苞含六藝，游覽百家，用道德爲弓弩，仁義爲鎧甲。書鈔

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷五十八

烏程嚴

王延壽

延壽字文考一字子山逸子度湘江溺死

魯靈光殿賦

并序

魯靈光殿者蓋景帝程姬之子恭王餘之所立也初恭王始都下國好治宮室遂因魯僖基兆而營焉遭漢中微盜賊奔突自西京未央建章之殿皆見隳壞而靈光巋然獨存意者豈非神明依憑支持曰保漢室者也然其規矩制度上應星宿亦所曰永安也予客自南鄙觀藝于魯觀斯而貽曰嗟乎詩人之興感物而作故奚斯頌僖歌其路寢而功績存乎辭德音昭乎聲物曰賦顯事曰頌宣匪賦匪頌將何述焉遂作賦曰

粵若稽古帝漢祖宗潛哲欽明殷五代之純熙紹伊唐之炎精荷

天衢曰元亨廓宇宙而作京敷皇極曰創業協神道而大寧于是
百姓昭明九族敦序乃命孝孫俾侯于魯錫介珪曰作瑞宅附庸
而開宇乃立靈光之祕殿配紫微而爲輔承明堂于少陽昭列顯
于奎之分野瞻彼靈光之爲狀也則嗟峨峩峩窳窳巍嶸嶸吁可畏
乎其駭人也迢嶢倜儻豐麗博敞洞轆轤乎其無垠也邈希世而
特出羌壤謫而鴻紛屹山峙曰紆鬱隆峴吻乎青雲鬱垓圯曰崕
屹崕繒綬而龍鱗汨磴磴曰璀璨赫燿燿而燭坤狀若積石之鏘
鏘又似平帝室之威神崇墉岡連曰嶺屬朱闕巖巖而雙立高門
擬于閭闔方二軌而竝入于是乎乃歷夫太階曰造其堂俯仰顧
眄東西周章彤彩之飾徒何爲乎濔濔汨汨流離爛漫踣壁暝曜
日月照丹柱欹耑而電烓霞駭雪蘇若陰若陽濯濯燐亂煒煒煌
煌隱隱夏曰中處靈寥竊曰崢嶸鴻燭熒曰燿閭颺蕭條而清冷
動滴瀝已成響殷雷應其若驚耳嘈嘈曰失聽目瞢瞢而喪精駢

密石與琅玕，齊玉璫與璧英。遂排金屏而北入，霄竊竊而曖曖旋。
室嫵媚，曰窈窕。洞房叫窈窕而幽邃，西廂踟躕曰閑宴。東序重深而
奧祕，屹鏗，瞑曰勿罔。屑騰翳曰懿，渙魂悚悚其驚斯，心猗猗而發
悸。于是詳察其棟宇，觀其結構，規矩應天上，憲觚觚，倨僂雲起，嵌
峯離樓，三閒四表，八維九隅。萬楹叢倚，磊砢相扶。浮柱岵岵，曰星
懸，漂嶢峴而枝拄。飛梁偃蹇，曰虹指，揭遠遠而騰湊。層檻磔，曰岵
峴，曲枅要紹而環句。芝栴攢羅，曰戢，疊枝掌杈柯而斜據。傍天蟠
曰橫出，互黜糾而搏負。下第蔚曰璀璨，上崎嶇而重注。捷獵鱗集，
支離分赴。縱橫駱驛，各有所趣。爾乃懸棟結阿，天窗綺疏。圓淵方
井，反植荷藻，發秀吐榮。菡萏披敷，綠房紫葍。窈窕垂珠，雪綵藻梲。
龍桶雕鏤，飛禽走獸。因木生姿，奔虎攫拏。曰梁倚，伋奮覺而軒髻。
虬龍騰驤，曰蜿蜒，領若動而躩踞。朱鳥舒翼，曰峙衡，騰虬蟉虬而
遶榱。白鹿子蛻于櫺櫺，蟠螭宛轉而承楣。狡兔踈伏于榑側，狡狤

攀椽而相追。玄熊黼談已斷斷。卻負載而躑躅。齊首目已瞪眙。徒
眎眎而矍矍。胡人遙集于上楹。儼雅跼而相對。佗欺猓目鵬。眈眈
顙顙而睖睖。狀若悲愁于危處。懣懣感而含悻。神仙岳岳于棟間。
玉女闔窗而下視。忽眇眇已響像。若鬼神之髣髴。圖畫天地品類。
羣生雜物奇怪。山海靈寫載其狀。託之丹青。千變萬化。事各繆
形。隨色象類。曲得其情。上紀開闢。遂古之初。五龍比翼。人皇九頭。
伏羲鱗身。女媧蛇軀。鴻荒朴略。厥狀睖眙。煥炳可觀。黃帝唐虞。軒
冕已庸。衣裳有殊。下及三后。嬖妃亂主。忠臣孝子。烈士貞女。賢愚
成敗。靡不載敘。惡已誠世。善已示後。于是乎連閣承宮。馳道周環。
陽榭外望。高樓飛觀。長途升降。軒檻曼延。漸臺臨池。層曲九成。屹
然特立。的爾殊形。高徑華蓋。仰看天庭。飛陛揭壁。緣雲上征。中坐
垂景。頰視流星。千門相侶。萬戶如一。巖突洞出。逶迤詰屈。周行數
里。仰不見日。何宏麗之靡靡。咨用力之妙勤。非夫通神之俊才。誰

能創成乎此勲據坤靈之寶勢子爲吳之純殷包陰陽之變化含
元氣之烟燭玄醴騰涌于陰溝甘露破宇而下臻朱桂黝儵于南
北蘭芝阿那于東西祥風翕習日颺灑激芳香而常芬神靈扶其
棟宇歷千載而彌堅永安寧已祉福長與大漢而久存實至尊之
所御保延壽而宜子孫苟可貴其若斯孰亦有云而不珍

亂日彤彤靈宮竊竊穹崇紛麾鴻兮削劣嶮嶮岑峯嶮嶮駢寵從
今連拳偃蹇嶠嶠踈崕嶠嶠傷歎傾兮歎歎幽藹雲覆靈靈洞杳冥兮
葱翠紫蔚礧礧環瑋含光晷兮窮奇極妙棟宇已來未之有兮神
之營之瑞我漢室永不朽兮

文選

夢賦

余夜寢息乃有非恆之夢其爲夢也悉覩鬼神之變怪則蛇頭而
四角魚首而鳥身三足而六眼龍形而似人羣行而奮搖忽來到
吾前申臂而舞手意欲相引牽于是夢中驚怒腦臆紛紜曰吾舍

天地之純和，何妖孽之敢臻。乃揮手振拳，雷發電舒，斲遊光，斬猛
豬，批鬣毅，斫魅虛，捐魍魎，拂諸渠，撞縱目，打三顧，撲蒼莖，扶夔魃，
搏睨睨，蹴睢肝，爾乃三三四四，相隨踉蹌而歷僻，礚礚礚礚，精氣
充布，鞢鞢穆穆，鬼驚魅怖，或盤踞而欲走，或拘攣而不能步，或中
創而婉轉，或捧痛而號呼，奄霧消而光蔽，寂不知其何故，嗟妖邪
之怪物，豈干真人之正度耳。聊嘈而外卽，忽屈伸而覺悟，亂曰：齊
桓夢物而亦曰霸兮，武丁夜感而得賢佐兮，周夢九齡年克百兮，
晉文鹽腦國目競兮，老子役鬼爲神將兮，轉禍爲福永無恙兮，
類聚七十九

王孫賦

原天地之造化，寶神偉之屈奇，道玄微，目密妙，信無物而弗爲，有
王孫之狡獸形，陋觀而醜儀，顏狀類乎老公，軀體似乎小兒，眼眶
崖隅五流呂耿平眠卹視能曉目耿平悅眩平迷突鳥高匡

酒于其側，竟爭飲而踣。

火緣反

馳頊。

火蜀反

陋醕。

火侯反

曰：迷醉矇眠，睡

而無知，暫攀繫。

子公反

曰：縵。

火結反

縛，遂纓絡。

記二十九御覽九十五初學

曰：縻羈，歸鎖繫于庭廡。

觀者吸呷而忘疲。

魏文類聚九十五初學記二十九御覽九百十

桐柏淮源廟碑

延熹六年正月

延熹六年正月八日乙酉，南陽太守中凶盧奴。

故

君熒正好禮尊

神敬祀，曰：淮出平氏，始于大復，潛行地中，見于陽口，立廟桐柏。春

秋宗奉，災異告愬，水旱請求，位比諸侯。聖漢所尊，受珪上帝，大常

定申，郡守奉祀，禱絜沈祭，從郭君曰：來廿餘年不復身至，遣丞行

事，簡略不敬，明神弗歆，災害以生。五嶽四瀆，與天合德，仲尼慎祭

常若神在，君準則大聖，親之桐柏，奉見廟祠，崎嶇逼狹，開福神門，

立闕四達，增廣壇場，飭治華蓋，高大殿宇。

使

齊傳館，石獸表道，靈

龜十四，衢廷弘敞，宮廟嵯峨，祇慎慶祀，一年再至，躬進三牲，執玉

以沈，爲民祈福，靈祇報祐，天地清和，嘉祥昭格，禽獸碩茂，草木芬

芳黎庶賴祉民用作頌其辭曰

汭汭淮源聖禹所導湯湯其逝惟海是造疏磯濟遠柔順其道弱而能強仁而能武字晝夜明哲所取寔爲四寶與河合矩烈烈

明府好古之則虔恭禮祀不愆其德惟前廢施匪躬匪力灾眚以興陰陽以忒陟彼高岡臻茲廟側肅肅其敬靈祇降福雍雍其和民用悅服穰穰其慶年穀豐殖望君與駕扶老攜息慕君塵軌表走忘食懷君惠賜思君罔極于胥樂兮傳于萬億春侍祠官屬五官掾章陵劉訢功曹史安眾劉瑗主簿蔡陽樂茂戶曹史宛任巽秋五官掾新口梁懿功曹史酈周謙主簿安眾鄧疑主記史宛趙旻戶曹史宛謝綜隸傳二案古文苑

翟酺

酺字子超廣漢雒人初仕郡徵拜議郎遷侍中已試對政事第一拜尙書延光中出爲酒泉太守遷京兆尹順帝卽位拜光祿

大夫遷將作大匠

上安帝疏諫寵外戚

臣聞微子佯狂而去殷。叔孫通背秦而歸漢。彼非自疏其君。時不可也。臣荷殊絕之恩。蒙值不諱之政。豈敢雷同受寵。而曰戴天履地。伏惟陛下。應天履祚。歷值中興。當建太平之功。而未聞致化之道。蓋遠者難明。請曰近事。徵之昔。竇鄧之寵。傾動四方。兼官重紱。盈金積貨。至使議弄神器。改更社稷。豈不曰勢尊威廣。曰致斯患乎。及其破壞。頭顱墮地。願爲孤豚。豈可得哉。夫致貴無漸。失必暴。受爵非道。殃必疾。今外戚寵幸。功均造化。漢元以來。未有等比。陛下誠仁恩周洽。已親九族。然祿去公室。政移私門。覆車重尋。盜無摧折。而朝臣在位。莫肯正議。翁翁營營。更相佐附。臣恐威權外假。歸之良難。虎翼一奮。卒不可制。故孔子曰。吐珠于澤。誰能不含。老子稱國之利器。不可已示人。此最安危之極戒。社稷之深計也。夫

儉德之恭政存約節故文帝愛百金于露臺飾帷帳于阜義或有
譏其儉者上曰朕爲天下守財耳豈得妄用之哉至倉穀腐而不
可食錢貫朽而不可校今自初政已來日月未久費用賞賜已不
可算斂天下之財積無功之家帑藏單盡民物彫傷卒有不虞復
當重賦百姓怨叛既生危亂可待也昔成王之政周公在前邵公
在後畢公在左史佚在右四子挾而維之目見正容耳聞正言一
日卽位天下曠然言其法度素定也今陛下有成王之尊而無數
子之佐雖欲崇雍熙致太平其可得乎自去年已來災譴頻數地
圻天崩高岸爲谷修身恐懼則轉禍爲福輕慢天戒則其害彌深
願陛下親自勞卹研精致思勉求忠貞之臣誅遠佞諂之黨損玉
堂之盛尊天爵之重割情欲之歡罷宴私之好帝王圖籍陳列左
右心存亡國所已失之鑒觀興王所已得之庶災害可息豐年可

招矣

後漢翟
璠傳

又上事

孝文帝連上書囊曰爲帳惡聞純素之聲也

北堂書鈔一百三十二引益部耆舊傳又

見御覽六百九十九

案前疏言文帝飾帷帳于卓囊疑卽此

上奏陳圖書之意

漢四百年將有弱主閉門聽難之禍數在三百年之閒宜升厯改

憲行先王至德要道奉率時禁抑損奢侈宣明質樸已延四百年

之難

後漢翟酺傳注引益部耆舊傳

上言宜脩繕太學

孝文皇帝始置一經博士武帝大合天下之書而孝宣論六經于

石渠學者滋盛弟子萬數光武初興愍其荒廢起太學博士舍內

外講堂諸生橫卷爲海內所集明帝時辟雍始成欲毀太學太尉

趙熹曰爲太學辟雍皆宜兼存故竝傳至今而頃者頽廢至爲園

採芻牧之處宜更脩繕誘進後學

後漢翟酺傳

張俊

俊蜀郡人元初中爲尚書郎

假名上鄧太后書謝減死

臣孤恩負義自陷重刑情斷意訖無所復望廷尉鞠造歐刀在前
棺槨在後魂魄飛揚形容已枯陛下聖澤已臣嘗在近密識臣狀
貌傷臣眼目畱心曲慮特加徧覆喪車復還白骨更肉披棺發椁
起見白日天地父母能生臣俊不能使臣俊當死復生陛下德過
天地恩重父母誠非臣俊破碎骸骨舉宗腐爛所報萬一臣俊徒
也不得上書不勝去死就生驚喜踴躍觸冒拜章

後漢袁安附傳
又見藝文類聚

杜喬

喬字叔榮河內林慮人永寧初舉孝廉辟司徒楊震府遷南郡
太守順帝時轉東海相入爲侍中漢安中拜太子太傅累遷大

司農大鴻臚光祿勳建和初代胡廣爲太尉呂忤梁冀死獄中
上書諫封梁冀子弟及中常侍等

古之明君皆日用賢賞罰爲務失國之主其朝豈無貞幹之臣典
誥之篇哉患得賢不用其謀韜書不施其教聞善不信其義聽諛
不詳其理也昔桀紂之時非無先王之書折中之臣然下愚難移
卒日亡國已然之鑒也陛下越從蕃王龍飛卽位應天順人萬夫
傾望不急忠賢之賞而先左右之封傷善害德讒諛暴興大將軍
梁冀兄弟姦邪傾動天下皆有正卯之惡未被兩觀之誅而橫見
式敘各受封爵天下惆悵人神共憤非所爲賞必當功罰必有罪
也後漢傳作傷善害德與長侯諛臣聞古之明君褒罰必已功過未世間主誅賞各緣其私今梁氏一門宦者微孽並帶無功之
敘裂勞臣之土其夫有功而不賞則爲善失其望姦回而不詰則
爲乖濫胡可勝言遂其性袁宏紀作故陳斧鉞而民不畏刑班爵位而人不樂
善苟遂斯道非徒傷治殄民爲亂而已至于喪身滅國可不慎哉

袁宏後漢紀二十一太尉喬口云云又略見後漢杜喬傳遷大司農時梁冀子弟五人及中常侍等皆無功竝封喬上書諫

岑宏

宏建光初爲尚書侍郎

樂成王甚罪議

非聖人不能無過故王侯世子生爲立賢師傅曰訓導之所目目不見異耳不聞非能保其社稷高明令終甚少長蕃國內無過庭之訓外無師傅之導血氣方剛卒受榮爵幾微生過遂陷不義臣聞周官議親愆愚見赦甚不殺無辜曰譴訶爲非無赫赫大惡可裁削奪損其租賦令得改過自新革心向道

袁宏後漢紀十六

施延

延字君子

陳忠傳作

建光初徵有道高第拜侍中陽嘉

中爲大鴻臚代龐參爲太尉免卒年七十六

用甲寅元議

太初過天日一度，弦望失正月，日晦見西方，食不與天相應。元和改從四分，四分雖密于太初，復不正，皆不可用。甲寅元與天相應，合圖讖可施行。續漢律厯志中延光二年太尉掾等上侍中施延等議

視諷

視或作赦

諷建光中爲尙書令

奏駁陳忠言屯役者得歸葬送

孝文皇帝定約禮之制，光武皇帝絕告靈之典，貽則萬世，誠不可改。宜復建武故事。後漢陳忠傳建光中尙書令視諷尙書孟希奏

孟希

希建光中爲尙書

奏駁質堪言太官宜兩梁冠

太官職在鼎俎，不列陞位，堪欲令比大夫兩梁冠，不宜許。續漢陳忠傳

注補引荀綽晉百官表注建光中尙書陳忠爲令史質堪上言太官宜著兩梁尙書孟希奏

社

社史不著其姓延光初爲河南尹

仍用四分曆議

卽用甲寅元當除元命苞天地開闢獲麟中百一十四歲推閏月六直其日或朔晦弦望二十四氣宿度不相應者非一用九道爲朔月有比三大二小皆疏遠元和變曆已應保乾圖三百歲斗曆改憲之文四分曆本起圖讖最得其正不宜易

太子舍人李弘等四十人議

張璠

璠延光初爲敦煌太守

上書陳西域三策

臣在京師亦已爲西域宜棄今親踐其土地乃知棄西域則河西不能自存謹陳西域三策今北虜呼衍王等展轉蒲類秦海左右

可發張掖酒泉屬國之吏士義從合三千五百人

後漢西域傳作常展轉蒲類秦

海之問專制西域共為寇鈔今集崑崙塞先擊呼衍王絕其根本

已酒泉屬國吏士二千餘人因發鄯善兵五千人脅車師後部此上計也若不能出兵可置軍

司馬將士五百人四部供其穀食出據柳中此中計也如亦不能

則棄交河城收鄯善等悉使人塞此下計也

袁宏後漢紀十七延光二年又見後漢書

城傳少篇首

三十六字

馮緄

緄字皇卿

傳作鴻卿今從碑

巴郡宕渠人延光初為郎還仕郡歷諸曹

史督郵主簿五官掾功曹順帝時舉孝廉除郎中歷蜀郡廣都

長捷為武陽令廣漢別駕治中從事辟司空府侍御史中丞督

徐揚二州坐法復辟司徒府歷廷尉左監正治書侍御史廣漢

屬國都尉隴西太守病去徵議郎歷治書侍御史尚書遼東太

守徵拜京兆尹轉司隸校尉遷廷尉太常延熹中拜車騎將軍

免尋拜將作大匠轉河南尹復爲廷尉免後爲屯騎校尉復拜廷尉免永康元年卒諡曰桓

請監軍疏

夫勢得容姦伯夷可疑不得容姦盜跖可信樂羊伐中山反而語功文侯示曰訪書一篋願請中常侍一人監軍財費袁宏後漢紀二十二又見後漢馮組傳

轉河南尹上言

舊典中官子弟不得爲牧人職後漢馮組傳案碑曰此爲最

堂谿協

協字季度潁川鴈陵人延光初爲郡主簿後舉孝廉遷西鄂長嵩高山開母廟石闕銘

□□潁川郡陽城縣開母廟興治神道闕時太守杜陵朱寵丞零陵泉陵薛政五官掾陰林戶曹史夏效監掾陳脩長西河園陽馮

寶丞漢陽莫祕俊廷掾趙穆戶曹史張詩將作掾嚴壽佐左福

□□□□範防百川柏鮐稱遂□□其原洪泉浩浩下民震驚禹

□□功疏河寫玄九山甄旅□□絳文爰納塗山辛癸之間三過

匪人寔勤斯民同心濟溢胥建三正杞紹派替又遭亂秦聖漢禮

享于茲馮神猗彼飛雉□□其庭貞祥符瑞靈支挺生出□□化

陰陽縣濤興雲降雨□□□寧守一不歇比性乾坤福祿來徃相

宥我君千秋萬祀子子孫孫表碣銘功昭眡後昆□□□延光

二年

重日□□□而作歷惠洋溢而溥優□□□□政則文耀日消

檣□□□□離皇極正而降休□□□□穎芬滋楸于圃疇

□□□□蘭木連理于芊條□□□□盛昨日新而累熹□

□□而慕化咸來王而會朝□□□□清靜九域少其脩治□□

□□祈福祀聖母虛山隅神來享而飭格釐我后曰萬祺于胥樂

而閭極永歷載而保之

碑舊拓本

堂谿典

典字伯并協子熹平中爲侍中五官中郎將

案後漢蔡邕傳注引先賢行狀典字

子度潁川人爲西鄂長延簡傳注引先賢行狀典字季度皆誤涉其父協事已季爲子又轉寫之誤當據石刻爲正

開母廟石闕敘

漢侍中五官中郎將臨陵堂谿典伯并熹平四年來請雨嵩高廟

案後漢靈紀熹平五年四月復崇高山名爲嵩高山注引東觀記使中郎將堂谿典請雨因上言改之蓋誤曰四年繫于五年也當據石刻爲正

典大君諱協字季度自爲郡主簿作闕銘文後舉孝廉西

鄂長早終敘曰

于惟我君明允廣淵學兼游夏德配臧文歿而不朽實有立言其

言惟何

下缺碑舊拓本又略見趙明誠金石錄案此刻于開母銘下方南向知所言作闕銘文者必開母銘也

賜進士出身三品銜廣東等處提刑按察使司按察使兼管驛傳事務貢岡王毓藻校刊

全後漢文卷五十九

烏程嚴可均校輯

左雄

雄字伯豪南郡涅陽人安帝時舉孝廉遷冀州刺史永建初徵拜議郎進尚書再遷尚書令陽嘉中爲司隸校尉坐法免後復爲尚書

上封事諫封山陽君及襄邑侯

夫裂土封侯王制所重高皇帝約非劉氏不王非有功不侯孝安皇帝封江京王聖等遂致地震之異永建二年封陰謀之功又有日食之變數術之士咸歸咎于封爵今青州飢虛盜賊未息民有乏絕上求稟貸陛下乾乾勞思呂濟民爲務宜循古法寧靜無爲呂求天意呂消災異誠不宜追錄小恩虧失大典

後漢左雄傳又略見袁宏後漢

紀十

復諫

臣聞人君莫不好忠正而惡讒諛。然而歷世之患莫不曰忠正得罪。讒諛蒙倖者。蓋聽忠難從。諛易也。夫刑罪人情之所甚惡。貴寵人情之所甚欲。是曰時俗爲忠者少而習諛者多。故令人主數聞其美。稀知其過。迷而不悟。至于危亡。臣伏見詔書顧念阿母舊德。宿恩欲特加顯賞。案尙書故事。無乳母爵邑之制。唯先帝時阿母王聖爲野王君。聖造生讒賊廢立之禍。生爲天下所咀嚼。死爲海內所歡快。桀紂貴爲天子。而庸僕羞與爲比者。曰其無義也。夷齊賤爲匹夫。而王族爭與爲伍者。曰其有德也。今阿母躬蹈約儉。曰身率下。羣僚蒸庶莫不向風。而與王聖竝同爵號。懼違本操。失其常願。臣愚曰爲凡人之心理。不相遠。其所不安。古今一也。百姓深懲王聖傾覆之禍。民萌之命危于累卵。常懼時世復有此類。怵惕之念未離于心。恐懼之言未絕于口。乞如前議。歲曰千萬給奉阿

母內足曰盡恩愛之歡外可不爲吏民所怪。梁冀之封事非機急宜過灾厄之運然後平議可否。後漢左雄傳又見袁宏後漢紀十九

復上疏諫

先帝封野王君漢陽地震今封山陽君而京城復震專政在陰其灾尤大臣前後瞽言封爵至重王者可私人曰財不可曰官宜還阿母之封曰塞灾異今冀已高讓山陽君亦宜崇其本節。後漢左雄傳

上疏陳事

臣聞柔遠和邇莫大寧人寧人之務莫重用賢用賢之道必存考黜是曰皋陶對禹貴在知人安人則惠黎民懷之昔三代垂統此句

從袁宏紀補

分伯建侯代位親民民用和穆禮讓曰興故詩云有渰淩淩

淩興雨祁祁雨我公田遂及我私及幽厲昏亂不自爲政褒豔用權七子黨進賢愚錯緒深谷爲陵故其詩云四國無政不用其良又曰哀今之人胡爲虺蜴言人畏吏如虺蜴也宗周既滅六國并

秦阮儒泯典刻革五等更立郡縣縣設令長郡置守尉什伍相司
封豕其民大漢受命雖未復古然克愼庶官蠲苛救弊悅民濟難
撫而循之至于文景天下康乂誠由玄靖寬柔克愼官人故也袁宏紀作使萬民不擾也降及宣帝興于仄陋綜覈名實知時所病刺史守相輒
親引見攷察言行信賞必罰帝乃歎曰民所自安而無怨者政平
吏良也與我共此者其唯良二千石乎自爲吏數變易則下不安
業久于其事則民服教化其有政理者袁宏紀作民知不久則詐求過故二千石有治能
者輒自璽書勉勵增秩賜金或爵至關內侯公卿缺則自次用之
是曰吏稱其職人安其業漢世良吏于茲爲盛故能降來儀之瑞
建中興之功漢初至今三百餘載俗浸彫敝巧僞茲萌下飾其詐
上肆其殘典城百里轉動無常各懷一切莫慮長久謂殺害不辜
爲威風聚斂整辨爲賢能自理已安民爲劣弱自奉法循理爲不
化髡鉗之戮生于睚眦覆尸之禍成于喜怒視民如寇讎稅之如

豺虎監司項背相望與同疾疢見非不舉聞惡不察觀政于亭傳責成于朞月言善不稱德論功不據實虛誕者獲譽拘檢者離毀或因罪而引高或色斯曰求名州宰不覆競共辟召踴躍升騰超等踰匹或考奏捕案而亡不受罪會赦行賂復見洗滌朱紫同色清濁不分故使姦猾枉濫輕忽去就拜除如流缺動百數鄉官部吏職斯祿薄車馬衣服一出于民廉者取足貪者充家特選橫調紛紛不絕送迎煩費損政傷民和氣未洽災眚不消咎皆在此今之墨綬猶古之諸侯拜爵王庭輿服有庸而齊于匹豎叛命避負非所曰崇憲明理惠育元元也臣愚曰爲守相長吏惠和有顯効者可就增秩勿使移徙非父母喪不得去官其不從法禁不式王命錮之終身雖會赦令不得齒列若被劾奏亡不就法者徙家邊郡曰懲其後鄉部親民之吏皆用儒生清白任從政者寬其負算增其秩祿吏職滿歲宰府州郡乃得辟舉如此威福之路塞虛僞

之端絕送迎之役損賦斂之源息循理之吏得成其化率土之民各寧其所追配文宣中興之軌流光垂祚永世不刊

後漢左雄傳又袁宏後漢

紀十八與此小異

上疏言寇賊

寇賊連年死亡大半一人犯法舉宗羣亡宜及其尚微開令改悔若告黨與者聽除其罪能誅斬者明加其賞

後漢左雄傳雄與僕射郭虔共上疏云云

曹奏不省

上言察舉孝廉

郡國孝廉古之貢士出則宰民宣協風教若其面牆則無日施化招災致禍爲害不細孔子曰四十而不惑禮四十強而仕請自今孝廉年不滿四十不得察舉皆先詣公府諸生試家法文吏試牋奏覆之端門練其虛實曰觀異能曰美風俗有不承科令者其罪法若有茂才異行自可不拘年齒

袁宏後漢紀十八又見後漢左雄傳

上言諫擬撰九卿

九卿位亞三事班在大臣行有佩玉之節動有庠序之儀加已鞭

杖誠非古典

袁宏後漢紀十八又後漢左雄傳作孝明皇帝始有撲罰皆非古典

周舉

舉字宣光汝南汝陽人延光末辟司徒李郃府順帝時舉茂才爲平丘令遷并州刺史轉冀州刺史陽嘉中徵拜尚書遷司隸校尉永和中出爲蜀郡太守坐事免大將軍梁商表爲從事中郎拜諫議大夫後爲侍中守光祿大夫遷河南太守徵爲大鴻臚梁后臨朝遷光祿勳建和初拜光祿大夫

對策問旱災

臣聞易稱天尊地卑乾坤定矣二儀交構乃生萬物萬物之中曰人爲貴故聖人養之曰君成之曰化順四時之宜適陰陽之和使男女婚娶不過其時包之曰仁恩導之曰德教示之曰災異訓之

曰嘉祥此先聖承乾養物之始也夫陰陽閉隔則二氣否塞二氣否塞則人物不昌人物不昌則風雨不時風雨不時則水旱成災陛下處唐虞之位未行堯舜之政近廢文帝光武之法而循亡秦奢侈之欲內積怨女外有曠夫今皇嗣不興東宮未立傷和逆理斷絕人倫之所致也非但陛下行此而已豎宦之人亦復虛己形勢威侮良家取女閉之至有白首歿無配偶逆于天心昔武王入殷出傾宮之女成湯遭災曰六事尅己魯僖遇旱而自責祈雨皆曰精誠轉禍爲福自枯旱以來彌歷年歲未聞陛下改過之效徒勞至尊暴露風塵誠無益也又下州郡祈神致請昔齊有大旱景公欲祀河伯晏子諫曰不可夫河伯曰水爲城國魚鼈爲民庶水盡魚枯豈不欲雨自是不能致也陛下所行但務其華不尋其實猶緣木求魚卻行求前誠宜推信革政崇道變惑出後宮不御之女理天下冤枉之獄除大官重膳之費夫五品不訓責在司徒有

非其位宜急黜斥臣自藩外擢典納言學薄智淺不足自對易傳

曰陽感天不旋日惟陛下留神裁察後漢周舉傳陽嘉三年徵拜尚書是時河南三輔大旱特

下策問舉對

又對問得失

宜慎官人去斥貪汙離遠佞邪循文帝之儉尊孝明之教則時雨

必應後漢周舉傳召見舉及尚書令成瑨世僕射黃寶問曰得失舉等並對

又獨對

臣從下州超備機密不足自別羣臣然公卿大臣數有直言者忠

貞也阿諛苟容者佞邪也司徒視事六年未聞有忠言異謀愚心

在此後漢周舉傳帝曰百官貪汙佞邪者爲誰乎舉獨對其後已事免司徒劉崎

對詔問加謚北鄉侯

昔周公有請命之應隆太平之功故皇天動威日章聖德北鄉侯

本非正統姦臣所立立不踰歲年號未改皇天不祐大命天昏春

秋王子猛不書崩魯子野不書葬今北鄉侯無它功德曰王禮葬之干事已崇不宜稱諡灾眚之來弗由此也

後漢周舉傳

北鄉本非正統奸臣所擾立未踰載年號未改孔子作春秋王子猛不稱崩魯子野不書葬昔周公有請命之功太平之勲故葬之日天動威日彰其德故成王曰王者禮葬之曰應天命北鄉侯無他功德恐非所曰應天消灾北鄉本侯也已加王禮于禮已崇不宜追加尊諡

通典八十多出本傳四語

對詔問變旨

陛下初卽位遵修舊典興化致政遠近肅然頃年日來稍違于前朝多寵幸祿不原德府藏空匱有瓦解之心觀天察人方古準今誠可危懼書曰僭恆陽若夫僭差無度則言不從而下不治陽無目制則上擾下竭宜密嚴敕州郡察强豪大姦曰時擒討

袁宏後漢紀十

九漢安元年又見後漢周舉傳少二語

爲司徒朱伉創草變異表

臣聞易曰天垂象見吉凶觀乎天文日察時變臣竊見九月庚辰
今月丙辰過熒惑于東井辟金光輝合併移時乃出經術淺末不
曉天官見其非常昭昭再見臣切怪之誠懣憤夫月者太陰熒惑
火星不宜相干臣聞盛德之主不能無異但當變改有旨供御孔
子曰雖明天子熒惑必謀禍福之徵慎察用之孝宣皇帝地節元
年月蝕熒惑明年有霍氏亂孔子曰火上不可握熒惑班變不可
息志帝應其修無極此言熒惑大精尤史家所宜察也楚莊曰災
異不見寡人其亡今變異屢臻此天目佑助漢室覺悟國家也臣
誠懼史官畏忌不敢極言惟陛下深留聖恩按圖書之文鑒古今
之戒召見方直極言而靡諱親賢納忠推誠應人猶影響也宋景
公有善言熒惑徙舍延年益壽況乎至尊惑不旋日書曰天威棗
誡言天德輔誠也周公將沒戒成王曰左右常伯常任準人綴衣

虎賁言此五官存亡之機不可不謹也臣願陛下思周旦之言詳左右清禁之內謹供養之官嚴宿衛之身申敕屢省務知戒慎曰退未萌曰此無疆謹削自力手書密上風俗通五殤帝順帝昭穆議

春秋魯閔公無子庶兄僖公代立其子文公遂躋僖公于閔公上孔子譏之經書曰有事于太廟躋僖公傳曰逆祀也及定公正其序而下之孔子是之經曰從祀先公爲萬世法也今殤帝在先于親爲父順帝在後于親爲子先後之義不可改昭穆之序不可亂呂勃議是也袁宏後漢紀十九又後漢周舉傳

移書介子推廟

春中去火寒食一月老小不堪殘損民命非賢者之意今則三日

而已口口口口口口引汝南先賢傳舉遷并州刺史俗有龍忌之禁移書于推廟曰宣示愚民

劉光

光安帝末爲尚書令順帝初拜太常永建二年代朱寵爲太尉
錄尚書事

奏請條案禮儀

孝安皇帝聖德明茂早棄天下陛下正統當奉宗廟而姦臣交構
遂令陛下龍潛藩國羣僚遠近莫不失望天命有常北鄉不永漢
德盛明福祚孔章近臣建策左右扶翼內外同心稽合神明陛下
踐祚奉遵鴻緒爲郊廟主承續祖宗無窮之烈上當天心下厭民
望而卽位倉卒典章多缺請條案禮儀分別具奏後漢順紀帝卽
位近臣尙書曰
下從輩到南宮登雲臺召百
官尙書令劉光等奏制曰可

樊長孫

長孫安帝時人爵里未詳

與越騎校尉劉千秋書

漢家禮儀叔孫通等所草創皆隨律令在理官藏于几閣無紀錄

者久令二代之業闡而不彰誠宜撰次依擬周禮定位分職各有條序令人無愚智入朝不惑君曰公族元老正丁其任焉可自己

續漢百官志一注
引胡廣注漢官篇

吳蒼

蒼汝南人

遺矯仲彥書

矯慎字
仲彥

仲彥足下勤處隱釣雖乘雲行泥棲宿不同每有西風何嘗不歎蓋聞黃老之言乘虛入冥藏身遠逝亦有理國養人施于爲政至如登山絕跡神不著其證人不觀其驗吾欲先生從其可者于意何如昔伊尹不懷道以待堯舜之君方今明明四海開闢巢許無爲箕山夷齊悔入首陽足下辨能騎龍弄鳳翔嬉雲閒者亦非狐兔燕雀所敢謀也

後漢矯慎傳又
見高士傳下

丘訴

訴字季春扶風人

辭郡守召

明府欲臣訴邪友訴邪師訴邪明府所已尊寵人者極于功曹所
已榮祿人者已干孝廉一極一已皆訴所不用也御覽五百八引
皇甫謐高士傳
郡守召始見云云似非
書記已載赤牘錄之

賜進士出身二品銜廣東等處提刑按察使司按察使兼管驛傳事務黃岡王毓藻校刊